

時赤雲八條起自東方直指西方廣殆及竟天祥瑞志曰天氣峙時山川出雲占云赤氣如大道一條若至三四五條者大赦人民安樂

〔三代實錄三十六〕元慶三年八月四日辛酉大和國言紫雲見城下郡長十許丈廣可三丈起自地上竟

屬於天食頃消散十一月九日甲子丹波國言上慶雲見管何鹿郡阿須須岐神社

〔菅家文草八〕答公卿賀薩摩國慶雲勅

勅公卿去九月十一日表狀曰大宰府奏慶雲見管薩摩國有司考之上志以爲政致和平之應也德至山陵之感也朕省表以恐之聞瑞以懼之卽位之後九載于今水旱疫癆軍兵盜賊豈是政和德至之言可以偷措齒牙乎君臣者一體之分也朕可耻卿等亦可耻抑而上之勿爲虛賀耳

寛平八年十月日奉勅製

〔夫木和歌抄十九〕千五百番歌合よろこぶ雲

もろ人のあふぐのみかは君が代は空によろこぶ雲も有けり

〔菅家文草七〕省試當時瑞物贊六首〔中略〕貞觀四年五月十四日及第

濃州上言紫雲第一

土御門内大臣

色濃是紫功好惟雲一時點著仰德唯君

〔續日本後紀仁明〕承和三年十一月甲戌有怪異雲竟天其端涯在艮坤兩角經一刻程稍以消滅

〔文德實錄九〕天安元年十月己卯是日有白雲廣四尺○尺一作丈許東西竟天

〔三代實錄三〕貞觀元年十月十五日丁酉天東南有異雲中有赤色如電光激

〔三代實錄二十九〕貞觀十四年七月十日戊寅申時白雲氣起東北亘西南形如疋布

〔三代實錄二十九〕貞觀十八年七月廿七日壬寅是夜戌時黑雲起自同山額○額一作嶺亘西南形如四幅幔長十許丈于時四方晴明無有雲氣九月廿五日己亥天南有白雲亘東西